

SVMMARIVM

CONSTITVTIONVM,
DECLARATIONVM,
ET ORDINATIONVM,

Pro regimine sacri Ordinis Prædicatorum.

ADIECTIS PARTICVLIS PRIVILEGIORVM
& Constitutionum Sedis Apostolicæ, necnon Decretorum
Concil. Tridentini, ac sacrarum Congregationum DD.
Cardinalium iuxta cuiuslibet Tractatus exigentiam.

*ITEM SVMMARIVM CONSTITVTIONVM, ET
Ordinationum emanatarum pro bonis moribus Monialium, ac Per-
sonarum tertij habitus sub cura eiusdem Ordinis existentium.*

Collectum labore & studio P. Mag. F. PETRI MARTYRIS FESTI
Vrceani, eiusdem Ordinis Professoris.

*Nunc de nouo à multis erroribus expurgatum & auctum ex Capitulis generalibus
Bononie anno 1615. & Vlyssipponæ anno 1618. celebratis.*



PARISIIS,

Apud MICHAELEM SONNIVM, via Iacobæ,
sub Scuto Basiliensi.

M. DC. XIX.
PERMISSV SUPERIORVM.



20025



BEATISS. PATRIARCHÆ
DOMINICO GVSMANO
HISPANO,

Ordinis Prædicatorum Institori, & Patrono.

FR. PETRVS MARTYR VRCEANVS
eiusdem Ordinis alumnus.



INDVXIT me ad hoc Summarium coadunandum, Sanctiss. Pater, multiplex ratio. Primum quidem, quia in comitiis generalibus Romæ coactis anno 1608. commissum Patribus requiritur, ut studio eruditorum aliquot Patrum ex diuersis prouinciis selectorum illud conscriberetur, & publicaretur. Deinde quia ad R. Pater Vicarius generalis Ordinis tunc, nunc ob egregias eius virtutes, & multas res bene gestas, præcipue in Sanctiss. Inquisitionis officio, Reuerendiss. P. F. Seraphinus Siccus Papiensis Ordinis tui Magister, & Moderator, monitis suis iam pridem huic operi ad auxilium præstandum suasit; Demum ut quasi sine ordine dispersa, sub diuersis capitibus collecta, facilius quærentibus inuenta apparerent. Partes igitur Prouinciæ meæ vtriusque Lombardiæ qualis qualis ego sum agens hoc Summarium edidi. Edant & alij, ut tandem completum & perfectum prodeat ex pluribus, ad facilius mores Religiosorum tuorum componendos. Interim verò spem illam miram quam dedisti mortis hora te flentibus, dum post mortem promisisti te profuturum fratribus, imple, nos tuis iuuans precibus. Et qui te signis claruisti

in agrorum corporibus, nobis opem ferens Christi agris medere moribus: Et mihi, qui tibi hos labores libenter offero in mei erga te obseruantia pignus, impetrare digneris ab altissimo D. Deo criminum remissionem. Amen.

SVPERIORIS FACVLTAS.

NOS Fr. Seraphinus Siceus Papiensis sacre Theologiæ professor, & in Romana curia totius Ordinis Prædicatorum humilis Procurator & Vicarius generalis. Muneris nostri ratio expostulat, vt viros doctrina insignes morumque integritate conspicuos, quos pro animarum salute, & religionis nostræ augmento, diu laborasse, & iugiter laborare dignoscimus, sincera dilectione prosequamur. Quare cum Ad. R. Pater Fr. Petrus Martyr Vrceanus Magister nostræ Prouinciæ Lombardiæ, Ordinis præfati, typis committere exoptet Summarium Constitutionum, & Ordinationum Capitulorum generalium, ac aliorum Decretorum ad Ordinem nostrum attinentium, pro communi vtilitate Fratrum conditum, ac super hoc nostram requisivisset facultatem, eius petitione annuere volentes, re prius participata cum Illust. & Reuerend. D. Cardinali de Araceli, nostri Ordinis Magistro generali, præfatam licentiam libenter elargimur, dummodo dictum Summarium iuxta seriem nostrarum Ordinationum à duobus grauioribus Patribus accurate recognitum fuerit, iudicatumque dignum vt in lucem prodire possit, seruatis omnibus quæ secundum decreta S. Conc. Trid. & Constit. Apostolicas super hoc editas de editione librorum & eorum viu seruari debent. In nomine Patris, & Filij, & Spiritus sancti, Amen. Datum Romæ die 21. Ianuarij 1612.

F. Seraphinus qui supra manu propria.

Fr. Lucas Castellinus Faentinus Mag. & Socius.

APPROBATIO OPERIS.

CVM nobis impositum fuerit, vt hoc opus cuius titulus est, Summarium Constit. Declarat. & Ordinat. &c. per Patrem Fratrem Petrum Martyrem Festum Vrceanum Mag. Ord. Præd. non leui labore compositum, ac diligentia collectum, prospiceremus, omnem curam & sollicitudinem adhibere conati sumus, & nihil quod catholicam fidem & bonos mores lædere in minimo possit inuenimus, nec quod regulis postremi indicis librorum obstaret, quinimo gloriæ & honori religioni futurum esse existimamus, si typis excudendum traderetur, ac insuper profuturum non solum religiosis Dominicanæ familiæ, quibus in hoc opere tales præfiguntur leges, quas obseruando coram Deo & hominibus laudabilem vitam agere possunt, verum etiam omnibus cuiuscumque Ordinis regularibus, cum iuxta præsens exemplar suas quisque moderari possit leges & mores. In quorum fidem manum propriam apposuius.

Fr. Petrus à Florentiola lec. Theog. Prior S. Dom. Crem. Ord. Præd.

Fr. Io. Baptista à Sestulafac. Theo. professor, Prior S. Iacobi de Sencino eiusd. ord.

D. Hieronymus Creatius clericus Regularis de mandato Adm. R. P. Inquisitoris.

Attentis præfatis attestationibus imprimatur.

Fr. Desiderius Scalin Mag. & Inquisitor Cremonæ.



S V M M A R I I

P A R S P R I M A

DE ORDINIS PRÆDICATORVM Institutione, Confirmatione, & Præstantia.

De Constitutionum editione, obligatione, & dispensatione, de
ædificijs & Ecclesijs, ac illarum cultu, & de moribus
ac viuendi modo Fratrum.

De ordinis Prædicatorum Institutione, & Confirmatione.

C A P V T I.



ANNO Domini 1203. tempore Pontificatus Innocentij
3. B. P. Dominicus Ord. Prædicatorum Magister, &
institutor, natione Hispanus, de villa quæ dicitur Ca-
laroga Oxomensis diœcesis, familia nobili Gulmanorum,
vir scientia Dei plenus, vita sincerus, religione conspi-
cuis, cæpit suum Ordinem mente concipere in partibus
Tholosanis, si quidem eo tempore duodecim Abbates
Ordinis Cisterciensium cum Apostolicæ sedis Legato, missi
sunt à Summo Pontifice ad eas partes, vt fidem Catholicam prædicarent, &
hæretica venena Albigentium, quæ ea loca infecerant, pro viribus propulsa-
rent: quibus de Hispania adiunctus fuit Dedacus Oxomensis Episcopus, &
hic in comitatu suo habuit B. Dominicum. Post biennium autem redeun-
tibus ad propria D. Legato, Episcopoque Oxomensi, & alijs duodecim
Abbatibus prædictis, B. Dominicus cum paucis sibi adhærentibus perman-
sit ibidem, prædicationi, & hæresum impugnationi insistendo ferè per an-
nos decem, vsque ad tempus Lateranensis Concilij, quod fuit celebratum
anno Domini 1215. sub eodem Innocentio 3. Profectus est autem vir Dei
cum Fulcone Episcopo Tholosano ad dictum Concilium, Innocentiumque
adiit, & petiit confirmationem Ordinis, qui Prædicatorum diceretur & esset,